

北洋官報

目錄

宮門抄

上諭

奏議○陸軍部奏籌撥西南馬政摺△川督趙奏改訂巡防營制餉章摺△又奏請截留練餉摺△給事中陳奏廣東賭害摺
公禮○督憲札一件△工藝局詳一件△續晉撫札一件
文告六則△電報七則△新聞十三則
彙編○農務總局試驗場成蹟表
戊申官報目錄

本日增刊戊申官報目錄一頁

宮門抄

二月初四日 度支部 宗人府 正白旗值日 慶王等得

賞會典謝 恩 增崇因子得議叙謝

恩 廣州將軍增祺請 訓 紹英等前往 東陵請

訓 延伯續假十五日 召見軍機

增祺

上諭

二月初四日內閣奉

上諭湖南長沙府知府員缺緊要著該撫於通省知府內揀員調補所遺員缺著駸朝卿補授欽此

上諭張鳴岐奏舉劾屬員一摺廣西調署懷集縣事富川縣知縣金開祥署左州事興業縣知縣陳善濬卸署灌陽

縣知縣捐升知府翁綬琪既據該撫臚陳政績均著傳旨嘉獎准補象州知州趙宗海學務廢弛尙明例案桂平

縣知縣曾廣致緝捕不力才尙可造均著留省察看開缺另補武緣縣知縣倪育萬巧滑性成前在容縣署任諱

匿盜案多起陸川縣知縣梁祖訓工於鑛營前在試署任內議罰違章用人不當試用知縣劉祖恩前署平南縣

任內學務甚爲廢弛捕務亦極玩視尙武土州州判魯厚堃條理不清辦事竭蹶前在代理天保縣任內并有違

章加收稅契之事試用知州方中廣少條理辦事因循委充土思州彈壓委員並有玩視要案之事試用通判黃

蔭福貌似有才心術險詐試用通判易祥麟在署來賓縣任內苛罰婪贓查有實據周羅司巡檢趙志遠違例擅

受被控有案署下雷土州吏目候選巡檢戴式潛把持公款藉學漁利署五山司巡檢試用典史袁之煥沾濡嗜好不堪造就藤縣典史陶壽能巧飾戒烟諸多不謹均著即行革職灌陽縣知縣魏志良試用道陳鳴惠補用直隸州知州汪文奮即用知縣李肇律候補知縣周翰試用知縣謝國南謝寶森區應庚沈秉惠補用知縣何寶符另補知縣續曾熊光瓚均屬才具平庸難資造就魏志良著開缺同陳鳴惠等十二員一併咨送回籍餘著照所議辦理該部知道欽此 監國攝政王鈐章 軍機大臣署名

奏議錄要

陸軍部奏議覆御史趙炳麟奏條陳西南馬政摺

奏爲遵

旨議奏恭摺仰祈

聖鑒事光緒三十四年十二月二十四日軍機大臣欽奉

諭旨御史趙炳

麟奏條陳西南馬政一摺著陸軍部議奏欽此欽遵由軍機處鈔交到部原奏內稱廣西自馬平以西至慶遠所屬

荒土斤斤水草豐美可興牧政近年雖經開辦墾務而該省民窮財困墾土者究屬寥寥擬請 飭令該省巡撫

派員勘查荒地有可闢爲牧場之處務將界址開清繪圖貼說奏明辦理尙可興馬政即應請 旨飭令陸軍部

覆勘由 國家籌款剋期興辦豫備西南各省陸軍之用等語臣等竊維陸軍之有軍馬與海軍之有軍艦皆爲國

防活動武器東西各國對於馬政靡不注意講求以其於軍事確有密切關係按之臣部奏定應編三十六鎮需馬

甚鉅必宜多設育成所以備隨時補充向來各省軍馬或採諸外洋或取之北地輸送艱阻氣候異宜誠有如該御

史所稱平日固多耗費戰時尤誤戎機者臣部總持戎政深以馬匹爲軍中利器未可視爲緩圖是以上年有整頓

兩翼牧羣之請惟茲事體重大尙須統籌全局兼資並營方無顧此失彼之慮今該御史條陳西南馬政奉 旨

交臣部議奏臣部以養馬之地宜高宜燥宜水宜草宜有山坡而不峻巖宜有平疇而不磽陬宜日光多到之鄉宜

出入利便之境度其隰原相其陰陽觀其流泉擇土興牧之道舉不外是廣西自馬平以西至慶遠所屬既據稱可

興牧政擬先行調查究竟能否適用再行核辦相應請 旨飭下廣西巡撫派員勘查該處地方縱橫廣袤共若

千里距邊地遠近若何山坡平原川泉草木各類是否宜於養馬能容若干馬匹並勘明四至繪圖貼說咨明臣部

酌核情形奏明辦理以仰副 朝廷整頓戎行之至意所有遵議緣由是否有當理合恭摺覆陳伏乞

皇上聖鑒訓示謹 奏宣統元年正月二十五日奉 旨依議欽此

四川總督趙爾巽奏改訂全省巡防營制餉章摺

奏爲遵章改訂全省巡防營制餉章以整戎政恭摺仰祈

聖鑒事竊查准陸軍部咨奏訂巡防隊暫行章程刷

印原奏咨行欽遵查照辦理等因當以章程內步隊營制全營官弁兵夫共止三百零一員名核與川省巡防軍額

制減少甚多川省幅員遼闊伏莽實繁卽就現有兵力尙苦不敷分布斷難再事核減經前護督臣趙爾豐咨准陸

軍部核覆以巡防營制官兵數目較之部定暫行章程雖屬稍多惟查定章每路應置若干營原未有一定數目如

慮按照新章改編不敷分布自可察核各路情形於防務重要之地酌加數營以資鎮攝仍以原有之餉挑選改編

以符定制遵經分飭遵辦在案茲查川省原有巡防前軍五營後軍五營左軍五營右軍四營中軍五營副軍五營

共二十九營現經遵照部訂新章汰弱留強一律挑選改編共成三十六營作爲巡防中前左右後副中六軍每軍

六營分別第一二三四五六營爲一軍每軍設一統領以原有之中軍作爲中路前軍作爲前路左軍作爲左路右

軍作爲右路後軍作爲後路副軍作爲副中路於光緒三十三年十二月初一日改編成軍各仍駐原防無事則各

自訓練保衛地方有事則互爲聲援無分畛域各軍月餉另擬餉章支發其靖字中前兩營原係防守甯遠府屬又

步隊左右兩營原係作爲游擊之師以上年未能遵章改編所需鹽糧月餉等項均各仍照舊章支給本年六月間

奏准添募一營駐守甯遠等屬該營係爲甯遠邊防而設是以營制參差轉多窒礙復經飭將靖字三營改爲巡防副右路分

月初一日成軍卽編爲靖字後營嗣因同一巡防恐營制參差轉多窒礙復經飭將靖字三營改爲巡防副右路分

別第一二三營爲一軍游擊兩營添募兵夫一百八名作爲巡防副左路分別第一二三營爲一軍每軍仍照章設

一統領所需月餉查照巡防隊餉章支發該兩軍均於光緒三十四年九月初一日挑募改編成軍惟查各軍統領

幫統管帶各官需用鹽糧鍋帳等項向係照例按品撥給現遵改巡防步隊酌議不限文武不計官階所需鹽糧鍋

帳按差支給以歸一律而免參差至川省舊有各營勇丁向係隨時抽調因跬步皆山旣無舟車之便轉運不易與

外省情形不同係常年雇用長夫每勇百名設長夫五十名每名日給夫價銀八分歷經報部准銷有案此次遵章

改編除管帶哨官哨長書記司書生鼓號目兵護兵火夫等不給長夫外其什長正兵二百四十名仍照舊章每勇

百名設長夫五十名每營共夫一百二十名每名日給夫價銀八分以利轉輸其餘川邊之巡防新章鹽局之安定

營越駕四廳夷防之士勇駐紮沿江一帶之靖川營或正在改編暫應緩報或各有專司悉仍其舊據籌餉局司道

等會詳請 奏前來除清摺咨部外所有遵章先後改編巡防營制餉章緣由理合恭摺具陳伏乞
皇上聖鑒敕部立案謹 奏宣統元年正月二十八日奉 旨該部知道欽此

四川總督趙爾巽奏練兵期迫請截留練餉摺

奏爲練兵期迫籌餉維艱請截留練餉以修武備而固邊圉恭摺仰祈 聖鑒事竊查前准陸軍部咨奏定全國

陸軍應編鎮數按省分配四川省應練三鎮限三年編足兩鎮令即查照辦理等因當經前護督臣趙爾巽援案奏
請展限旋准陸軍部議覆仍令依限編足在案查川省幅員遼闊山河險阻外則屏蔽西陲爲邊藏滇黔之後勁內
則建瓴高屋據長江流域之上游加以番猺擾邊伏莽未靖非有重兵鎮攝不足以建威銷萌故奴才到川以來於
練兵一事極爲注意明知餉項無出然部臣期以三年現在僅成一協若不及時設法必至無日成軍遇有緩急何
恃不恐川省歲入千萬有奇每年供京協賠款之用者七百餘萬供本省薪餉行政費用者不過三百餘萬其支絀
情形業經另摺陳明無須贅瀆伏查陸軍部原定編練各軍案內本已代川省籌定一鎮之餉前因廣西練兵移撥
一協奴才上月奉到部文隨即奏請將下餘一協之款仍歸川省應用尙未奉 旨然即使部議准行亦祇能添

練一協尙缺一鎮之額再四思維實屬無從挹注據藩司查稱川省每年本有認解練兵經費銀八十萬兩又改撥
北洋軍需銀十萬兩統共銀九十萬兩按年籌解無欠當日認籌之初川省本無應練兵額今則先編兩鎮限以三
年一省財力祇有此數給於彼即歎於此理之自然無足異者然論地勢邊情則兵難緩練而量入爲出則求過所
供合無仰懇 天恩俯念川省財政困難練兵緊要除將部籌一協之餉仍即撥川外並乞准將前項應解餉銀
九十萬兩自宣統元年起悉數暫免解撥留充川省練兵之用俟川省將來籌有的款再行陳明照解一則爲部臣
所已籌一則爲川省所自有以之練川省應練之兵庶幾依限觀成有備無患大局幸甚除分咨查照外所有川省
練兵期迫請截留練餉緣由理合恭摺具陳伏乞
皇上聖鑒訓示謹 奏宣統元年正月二十八日奉 旨陸軍部議奏欽此

給事中陳慶桂奏廣東賭害摺

奏爲廣東開賭爲害甚大請 旨嚴禁以維新政而挽淺風恭摺仰祈 聖鑒事竊臣恭讀 皇上登極諭

旨諄諄以頒布憲法軫念民生爲首務薄海士庶感戴同深願欲舉行立憲研究自治則凡有累於新政有害於地方者自當切實痛除夫中國害人之物有二曰鴉片曰賭博鴉片之害徧天下賭博之害在廣東煙土收稅每年三千餘萬分年禁絕中外翕然歌之惟廣東賭餉依舊承充豈爲盡善賭爲盜原廣東盜風之盛由於賭具之多各州縣擄人勒贖明火持械之案每歲輒數千起大半賭博之徒一朝破案駢首受誅故抽稅而縱賭無異設阱以陷人此害在貧民也未收賭餉開賭者尙知畏懼稍知自好之士猶以入賭場爲恥一經承充羣目爲國課重地官紳士庶出入無忌父兄師長呵責難施風俗之壞莫此爲甚此害在縉紳也至於商販之徒以賭而歇業婦孺之輩因賭而輕生種種弊端不堪枚舉查歐洲列國凡所屬土無不禁賭美國新得呂宋彩票且不准兩租界之內如香港上海等亦一體嚴禁我國獨許承餉何以示外洋是自居於野蠻也開場聚賭律有明條凡各行省博徒偷經拿獲靡不懲辦廣東獨准充商何以例各省是視爲化外也或謂廣東歲出日繁禁賭實行則歲收驟短數百萬一切經費挹注無從豈能責難於疆吏然臣以爲籌款一道就地方之財辦地方之專原不必爲飲鴆止渴之謀就廣東目前而論財政雖云支絀然每年所收房捐鋪捐沙捐船捐以及屠捐酒捐戲捐膏牌捐緝捕捐種種名目不可勝計苟經理得人必餘鉅款且民情可用應有明徵在上者果實心爲民除害設法籌措未有不踴躍輸將者區區數百萬之款何難遽集又或謂各州縣禁賭奸商必重賄葡萄牙在澳門開設是爲淵鰲魚也此不足慮現在環球各國皆尙文明印度洋煙出產一年數千萬英人尙肯遞年減種各國且設戒煙之會賭耗於煙內地果能禁絕儘可知照葡使一律嚴禁葡若不允則請各國公議未有不協力贊成者帑項既鉅經手官紳辦事局員從中分肥動數十萬一旦禁止頓失大利勢必逞其竇鼓多方阻撓事機坐失應請 宸衷獨斷明降 諭旨飭兩廣督臣認真整理財政將番攤山票舖票基票分年遞禁賭餉卽分年停收如有不肖官紳胥吏索規包庇從嚴禁辦並飭法部加重承賭博徒罪名俾知懲警庶汚俗變而苛政除匪惟粵省之幸亦天下之福矣臣更有請者近來廣東司局各庫繁瑣輻輳弊竇孔多如銀幣一項發出已數百萬則所存實銀自當稱是又小關查舊商宏遠公司繳存按餉六十餘萬山票舊商永和公司繳存按餉十八萬均未發還如此等項局庫所存尙復不少移緩濟急儘堪支持當今部議清理財政必須逐款查核可否飭下部臣遴選得力司員到粵調查革去弊端騰出款項以辦善

政將一切苛細雜捐並行豁免則興利除弊一舉兩得臣籍隸粵東見聞較確謹恭摺具陳伏乞
皇上聖鑒謹奏

公牘錄要

督憲楊據運司詳擬請將長蘆緝私事務收歸運署自行設局經理札飭何道炳瑩等遵照文

爲札委事據長蘆張運司詳稱竊長蘆緝私總局係光緒三十一年春間據通緝商人益德裕等稟請設立並據請
派分省補用何道炳瑩總理局務當經陸前升司詳蒙前憲台袁批准照派嗣因該局提調王守藩藩過班道員復
經周前司詳准改爲會辦在案自開局至今已逾四載迭據南引各商晉和源等具稟以該局辦理毫無成效擬請
裁撤由各商自行緝私均經陸前升司周前司批駁在案近復屢據各綱總具稟以該局徒糜鉅款於事無裨等詞
懇請設法整頓等情前來伏查緝私督銷事宜原係本司專責無可諉卸既據該綱總等以該局辦理無效稟請整
頓應請將緝私總局事務收歸運署由本司自行設局督飭認真經理並將原有各分局委員弁勇人等嚴行考察
擇其不甚得力者分別撤換以專責成而免各商藉口至該局總辦何道炳瑩會辦兼西河緝私督銷事務王道維
藩在局有年各岸暢銷似不能據商人一面之詞謂爲無效且該道等於長蘆情形均甚熟悉應請派爲運署緝私
總局會辦並令王道仍駐西河兼辦西河一帶緝私督銷事宜以資熟手所有長蘆緝私總局事務擬請收歸運署
自行設局經管緣由是否有當理合詳請憲台查核俯賜批示祇遵如蒙俯允卽請札委何道王道遵辦實爲公便
等情到本督部堂據此除批據詳已悉准如所擬卽將長蘆緝私總局事務收歸運署由司自行設局督飭認真經
理以專責成至該局總辦何道炳瑩會辦兼西河緝私督銷事務王道維藩應改爲運署緝私總局會辦並令王道
仍駐西河兼辦西河一帶緝私督銷事宜以資熟手仰候札委該道等遵照此繳等因印發並分行外合行札委札
到該道卽便遵照具報此札

工藝局詳教育品製造所三十四年六月至八月收支及成品數目文並批

爲詳報事竊照教育品製造所於光緒三十二年六月歸併職局陳列館接辦至三十三年五月製造所遷入河北
勸業會場復將陳列館併入該所兼管業將自三十四年三月起至五月底止收支經費并製造成品庫存料物各

數目繕具冊摺詳報在案茲查自光緒三十四年六月起至八月底止共三個月計舊管實存洋一萬一千二百六十五元五角二分三釐新收售出成品材料本利并代做各物餘利洋一千九百四十一元二角八分九釐管收兩項共洋一萬三千二百六元八角一分二釐開除各項材料包工僱工共洋三千一百三十元三角三釐實存洋一萬七十六元五角九釐查庫存前屆成品除已售出外實存合洋五千四百七十四元二角八分六釐八毫六絲本屆成品除已售出外實存合洋六百九十六元一角九分五釐一毫未竣物品合洋六千六百二十三元三角三分二釐七毫生料合洋三千六十四元九角九分七釐三毫連實存統共合洋二萬五千九百三十五元三角二分九毫六絲除抵原領試辦經費銀洋五千元又原領開辦經費銀洋一萬四千四十元三角一分又擴充經費銀洋一萬三千八百五十元四角一分前十一屆曾經報銷不敷銀洋七千三百八十八元九角一釐九毫六絲本屆應得餘利銀洋五百三十九元六角七釐三毫二絲內除另冊開報成品室及各作補修成品裝箱包皮紙張等費銀洋一百六元一角四釐四毫實申餘利銀洋四百三十三元五角二釐九毫二絲今將餘利抵補不敷外現實不敷銀洋六千九百五十五元三角九分九釐四絲據教育品製造所管理員趙士琳等循舊造冊開摺呈請詳報前來職局復核相符所有教育品製造所自三十四年六月起至八月底止收支經費并製出成品庫存生料及已造未竣物品各數目理合照錄冊摺具文詳請 憲台察核批示祇遵

督憲楊 批據詳已悉冊摺存此繳
晉撫賈咨呈諮議局籌辦處各項章程請憲政編查館立案文 (續昨報)

至對於各屬之陸續籌辦情形除通飭設立自治講習所宣講所爲初選舉豫備外宜先舉辦者首在調查選舉資格選舉資格共分五項而又有不得有選舉及被選舉權之八項停止選舉及被選舉權之十項有選舉權而停止被選舉權之一項條文繁密各屬事經初創慮或未周於是發各屬調查選舉人名表式調查須知調查手續使調查有所依據自不覺爲煩難又慮各屬調查襄辦無人或有人而多退意之意於是發各屬勸學所教育會高等小學堂公文促其相助爲理實行地方應盡之義務而初選舉告示不速行張貼人民猶未知選舉之重要亟須速辦也於是擬定告示草式分發各屬使斟酌變通廣行張貼俾初選各節早注重於人民之心目而臨時不致有誤然

選舉期限清單不爲擬定辦理各項或前或後具報參差殊有礙初選復選之盛舉於是擬定期限清單分發各屬使歸一律並藉以覘其辦理之勤惰此籌辦選舉調查與定明選舉期限之大概情形也自調查選舉之後即登記選舉之時登記既畢而投票開票之規則投票紙投票廳得數清單初選當選人執照之定式種種要項原應初復選監督按照定章自行調製本處全爲便利各屬起見將選舉人名冊式並以上各種概行擬定一以免調製斟酌之紛煩一以期辦理進行之迅速而各屬準此頒行亦不至有扞格之患矣此籌辦選舉前後應用各件之大概情形也雖然有治法不可無治人在官督尤賴有紳辦綜計晉省開通之處固多其官紳堅守舊習淡於地方觀念者亦間有之若不派員催辦一隅之累牽及全局非選舉實行時代之所宜有也而派員分赴各屬往來住居之費又屬不資取諸民間已有罄瓶之告移從帑藏更屬無米之炊於是極力籌計詢謀僉同咸願分任義務在籍催辦每有以一人而兼催數處者公益擔當倍見發達數日之間遂得各屬催辦員九十六人而各屬調查選舉講習自治等事亦得於年內一律告成不致延緩此籌辦各屬分派催辦員之大概情形也現各屬正在催辦中而關於選舉資格解釋之疑義又不可不速爲電詢俾免調查之時誤於附會故前此於章程內疑義各要件自得覆電當即刷印多張分發各屬並將各省電詢電覆之件一併摘錄通飭遵辦庶各屬可少往來質問之難而得據實以爲登記再復選事宜雖在初選後然舉辦之初亦應豫籌妥善查晉省全境惟歸化綏遠十三廳僻在北方占地面積極爲遼闊人民少而散處又皆係直隸廳無屬縣者若遵照定章直隸廳無屬縣以附近之府爲複選區則附近之府若大同朔平遠或距千餘里近亦數百里來往困難久在意計之中且十三廳舊歸歸綏道統轄使舍習慣之上級官廳而附於疏遠之二府準諸情勢均爲未洽惟定章無以道爲複選監督之明文此節辦理甚費躊躇因特詳請憲台准爲變通札知歸綏道使之擔任十三廳複選監督事宜從此舉行複選問題諒無難於著手矣而本省駐防專額議員又宜從速核定俾於本省初復選時一律舉辦也查晉省駐防祇太原二旗尙歸憲台節制餘若歸化綏遠右衛等處皆歸將軍副都統及右衛城守尉管轄而其地則皆屬晉境似此項專額議員亦應歸晉省辦理惟三處相距非邇文移商榷不免略費時日耳此又因時因地籌辦之大概情形也綜上所述由開局起至於催辦選舉並選舉人名冊不日告成一切情形固已略具規模雖徧觀各屬之民風有捐助鉅金設立講習所者有不受薪金甘

任教員調查員者即在明習法政之地方行政官亦有每日於政事之暇自任講習二三小時者風聲所樹似較前大有進步究仍恐各屬聞見不同辦法尙難盡合本處謹當隨時呈請訓示督率籌辦各紳員不憚煩勞實事研究並分飭各屬催辦員以及行政官廳一律切實遵辦毋得有違限期致誤憲政之初基所有籌辦半年以來情形理合檢同各項章程備文具申鑒核轉咨憲政編查館查准備案等情據此除另由本部院具奏抄摺咨達並分咨資政院外相應咨呈爲此咨呈貴館謹請查照施行須至咨呈者

文告錄要

農工商部批示○日本華僑鄧冰如稟 批稟悉該商所控陳伯華吞款抗斷一案已據情咨行出使日本大臣查

核辦理此批○職商周永年等稟 批稟悉該職商等所請以房地抵還欠款各節當即咨行直隸總督察酌情形辦理至請提案一層應毋庸議此批○天津總商會稟 批稟悉梁逢中稟控楊學圃吞匿捏賬一案既據兩造邀中眼同寫立分撥情願銷案自應如稟照准仰即轉飭該商等遵照可也此批

督憲批示錄要○永定河道詳委員接署北岸協備各缺由 批如詳分委署理仍查取各任事日期開揭詳咨此繳○吳橋縣龔慶霖詳奉發公砒平銀兩辦理平糶現已完竣由 批據詳已悉仰賑撫局查照飭知繳

學台批示○體操傳習所畢業生蘇士達稟爲徇情舞弊用舍不公請予查辦等情 批量材取用當局自有權衡非盡徇情也該生應即安心候派勿得徒尙意氣動輒爭辯致干戾咎

天津勸學所公啓○敬啟者查學堂堂章程教員只擔任教授事項其堂內教育行政則堂長主之各學款籌畫則又責在堂董此一定權限不可紛更也吾津興學最早名譽素優諸同仁嚴守範圍初無踰越近見報載議事會議覆公告有工人姜玉清控訴教員不端苛罰窮人議令自赴勸學所申理一則乃多日以來未見有姜玉清來所申理敝所以姜玉清既不來所申訴自可暫置勿論惟教員具有高尚資格爲生徒表率竟與工人交涉其是非曲直姑且勿論但就職任上言之已出乎範圍外矣甚爲該教員惜也茲特通告各堂以後如有教員干預教授以外事務即請各堂長管理員援章拒駁即遇稟牘一切文件亦不得擅寫承辦等項名目敝所爲申明職任權限起見用特專函佈陳敬維公鑒

保定府中學堂榜示○爲榜示事照得本堂此次覆試取錄各生均於二月初一日填寫願書證書初二日入堂隨

班授課茲將姓名開列於後須至榜者 計開 陳瀛 徐灝 張照榮 吳定紹 錢家選 孫益翰 任

俊傑 宋國榮 郎崇德 李蔭桐 張肇梧 宋冠榮 程煥彬 衛清亮 徐成春 田樹培 魏壽昌

齊炳南

清苑公立中學堂示○所有此次報名諸生務於本月初二日早九點鐘考試國文屆期來堂毋得延悞此示

附錄天津官事○督憲昨日札委候補道祁觀察頌威幫督辦南北段巡警探訪工程捐務各局事宜

電報錄要

路透電○檀香山消息現在檀香山所訂禁止外人在檀香山領海捕魚之律已交美議院核議駐英日本公使加

藤氏向路透訪員聲言日本願爲太平洋有權之國然決無侵奪他國利權之意且外人在檀香山與斐利濱實

無利權與美人爭勝云

又電○法總統法利爾氏接見唐欽使

又電○據駐土京訪員報告現在土皇函致列強聲稱俄國以王禮迎接布加利亞親王此事實於歐洲大局有碍

果如此土政府須首先承認布國自立云

柏林電○德儲君偕其妃擬於西六月赴英京一遊答拜英皇與英后

又電○歐洲列強現擬預備反對塞非亞之辦法聞塞內閣各大臣均辭職

又電○南非委尼瑞拉國前總統喀斯羅氏現入德聯邦德理斯敦醫院就醫

又電○布加利亞國福爾丹德親王現在俄京陪觀俄國威拉米氏大公爵殯葬典禮俄皇甚爲優待傳聞英法俄

三國均承認布國自立此說恐不確實

新政紀聞

政 治

咨飭購用憲法書籍○憲政編查館咨行各省飭將政治官報局印成之日本統計釋例日本憲法說明書日本政

治要覽日本議會法四種認爲憲法參考書並請飭下所有司道局所以及各州縣應共購閱若干即希核定部

數備價吝取云

詳訂審判廳章程○法部堂憲前曾訂定各省審判廳官制茲聞一切詳細章程仍須續訂以期完善而符立憲之預備云

警務公所歸併三科○湖北巡警道金峙生觀察以警務公所自奉部設立後分科辦事以專責成近因經費支絀冗員尤復不少特稟准督院酌留總務衛生司法行政四科其餘會計文牘教練等三科一律歸併總務科兼辦以示撙節刻已札飭遵照辦理矣

學務

加增鹽價提助學款○奉天蓋平縣學款極爲支絀現經該縣具呈欽帥請將境內所產鹽額每石加收銅元三枚補助學款如此辦法於民間無甚大損而學款可資挹注當由欽帥交鹽務局議覆准其照辦以裨公益云

請派女師範學堂教員○奉省女師範學堂英文地理格致手工各科均缺員教授現經該堂具呈提學司舉美國聖馬利亞女學校畢業生曹女士熙貞試充該堂教員提學司當允如所請云

元甯學界開職員會○江甯教育總會暨元甯兩縣學會例歸正月推舉正副會長及幹事各職員茲已於上月十四日開特別大會公同議舉凡入會者均於此次納金一元以助經費並於開會後舉代表員赴蘇接洽云

財政

吉林禁止現銀輸出○吉省現銀近日甚形缺乏蓋由省中有一種奸商私將現銀外運以圖漁利現在該省大吏發交現寶若干以爲通融市面之計深恐有無識商民復萌故智日前民政度支兩司使特發嚴令今後旅客攜帶旅費以五十金爲限違者以私販論發覺人提三成充賞餘沒收入官云

裕蘇改良鈔票將次發行○蘇藩瑞方伯前據裕蘇官錢局申稱案奉憲諭續製改良一元五元十元龍鷹各新票二百萬元現在將次完竣陸續分批繳局具文呈請印章由局委員加蓋圖記以杜僞混其票式與從前製有照

像舊票最易識別花紋號碼較爲明細精緻仍暗藏水印江蘇裕蘇官錢局字樣茲當換用在即深恐商民未及周知應請通飭各屬地方官一體明白示諭一面照會商會遵照並聲明裕蘇局爲力圖推廣起見商民人等須

知此次裕蘇局換製改良新票與從前舊票一律憑票立兌現洋票上刊明准完丁漕稅釐一切官項不得挑剔抑勒等情查核所請爲改良新票通用推廣起見應准照辦昨札府立卽轉飭所屬一體遵照

清理全省財政局開辦○鄂督陳夔龍前奉度支部咨開各省現在均應設立清理財政局以爲各項款目總匯之地當卽札行三司各道及有關於財政各局所會同籌辦茲由各司道局所會同詳覆以善後局爲通省財政之樞紐請將清理全省財政局附設於該局內仍以藩司爲督辦已奉批准開辦矣

民事

議設各省版籍局○樞府因編查戶口爲今年應行籌備之憲政去年督徐菊帥奏請各省添設版籍局以重版圖一摺多有可採之處現擬會同外務民政農工商陸軍理藩郵傳各部議商辦法以期施行

蘇省禁煙之成效○蘇垣自前年禁閉煙館以來黑籍中人陸續戒除者甚衆茲經禁煙公所調查上年冬間本城上三縣界內膏土店戶數及逐日煙膏銷數與上年春間相提比較知戒煙者已有十中之四蘇長元吳三邑膏土店去年春間共有一千九百零六戶至冬底實存五百五十五戶已閉歇一千三百五十一戶銷膏數目上年春間每日可銷五千五百九十兩至冬底僅銷二千四百四十兩比較吸煙人數以每人日吸三錢計之春間應得吸煙人一萬八千六百三十三名至冬間僅剩八千一百三十三名大約已戒去一萬零五百人云

實業

調查安省紙料○鄂督陳小帥咨照皖撫略謂度支部造紙廠所派赴安徽江蘇等省調查紙料之調查員戴沂童倪二員道過湖北稟請發給護照前赴安省宣城涇縣一帶攷查紙料應請轉飭該屬俟該調查員到境妥爲照料以便攷查

集資請辦航業公司○浙撫增中丞據職商樓景暉等稟請籌集資本銀四十萬擬在乍浦地方購置大小輪船數艘分駛甯台溫杭四屬開辦航業等情當奉中丞批謂據稟該職商等擬就乍浦地方試辦裕順航業公司購置大小輪船數艘分駛甯台溫杭四府及蘇閩等省事屬可行惟與各項稅釐有無窒礙資本能否備足四十萬其中有無外人股份候分札甯杭溫三處關道及釐餉局農工商局迅速確切查明據實稟覆察奪並由農工商局卽將此批轉飭知照云

漏卮也近屢奉 明詔飭令各省竭力推廣果著成效優加獎勵以冀補救於萬一惜我國所產之棉大都皆草棉原種彈力弱纖維粗不合紡紗之用欲期合用非混以美國印度原種之陸地棉不可本場有鑒於此特購美國之佳種連年栽培其光澤之佳麗纖維之柔韌洵為北直棉業之冠所慮者棉莢不能全開收穫量較少乃是一大缺點今年本場栽培美棉預防此弊畫分甲乙二區甲區比尋常種棉時早種十二日乙區比尋常種棉時早種八日以期多受溫度棉莢齊破自能增多收穫量茲將本年收穫栽培各成績逐一列表以為研究棉業者之一助云

一春熟各作物栽培及管理表

名稱	目標	地畝	整地	選種	播種期	播種法	管理法	備考
中國種小麥	〇、畝八	深耕平畦	鹽水選	去年九月	條播	灌漑四次 中耕二次		
日本種小麥	全	全	全	全	全	全		
二條大麥	全	全	箕選	二月中旬	全	灌漑五次 中耕二次		
四條	全	全	全	全	全	全		
日本種燕麥	全	全	淡水選	全	全	灌漑四次 中耕二次		
一各作物支銷表								
名稱	目標	種籽	合種	原肥料	合料	人工	合工	總計
小麥	三〇〇	一、二一〇	馬糞五〇〇 人糞三〇〇 肥灰一〇〇	二、二〇〇	八	二、八八〇	六〇九〇	

名稱	目標	地畝	選種	播種期	播種法及管理法	收穫期	收穫量	合價
大麥	三五〇	〇、五六〇	全	全	全	全	全	全
燕麥	〇五二〇	〇五二〇	全	全	全	全	全	全
小麥	五、五、一〇	五、五、一〇	全	全	全	全	全	全
大麥	五、五、一〇	五、五、一〇	全	全	全	全	全	全
燕麥	五、五、一〇	五、五、一〇	全	全	全	全	全	全
中國種蕎麥	〇、四	〇、四	全	全	全	全	全	全

馬糞八〇〇、
草灰二〇〇、
人糞二〇〇、

〇、畝

六月中旬

條播
中耕除草二次

八月中旬

七、六、八〇

五、七、六〇

(未完)

督憲楊准呂大臣咨領到部頒津浦鐵路大臣關防並
啓用日期札飭司道查照文

又准郵傳部咨抄甯夏副都統奏請嚴禁電局代報並
明定章程一片札飭電局遵照文

署樂亭縣知縣蔡令濟勳詳設自治學社擬籌款項文
江南陸軍第九鎮詳定選補官長章程文

初八日

督憲楊准農工商部商人陳國楨擬辦宛平縣屬齊家
司金窩溝煤礦一案札飭礦政調查局查覆文

北洋官電局稟擬將馬廠至小站官綫兼收商報請示
遵文

開州朱牧佑保稟開辦農務研究會暨舉定會員各情
形文

初九日

督憲楊通札司道轉飭各屬實行禁煙辦法文
運司詳蘆商應交豫省鐵路鹽捐籌議辦法請核咨立

案文

曲周縣裕令昌稟初級小學堂改定章程及多設私塾
情形文

初十日

督憲楊准農工商部咨商人稟辦煤礦請飭查核札飭

礦政調查局遵查具報文

藩司詳委查定州

文廟柏樹估價甚微准作罷

論文

鹽山縣王令光鸞稟郵局信差滋事挾制供事徇情迴

護請准委員查辦文

十一日

津海關道蔡詳醫學堂畢業學生請給予獎札文

磁州章牧師稟杏園營被竊電杆綫現在遵飭差緝

文

山東巡警道潘詳請撫院暫行變通辦法文

十二日

直隸工藝局詳報新訂各工場註冊簡章文

直隸農務總會詳河間府農會會員應遵部章辦理文

署東撫吳准度支部咨銅元暫行停鑄事行知藩司派

員查禁銅元入境文

十三日

督憲楊准順天府咨據通州詳里二泗等村運河堤岸

失修請飭水利局一併勸辦札飭該局遵照文

提學司詳核覆曲陽縣開辦教育分會章程文

甯河縣張令繼信等稟勸明甯邑應辦以工代撫估計

河工需款情形文

河間縣傳令激源稟遵飭查勘縣境農田水利情形文

十四日

深州續收縣申擬設議事會籌辦公所請示遵文

高陽縣隆令恩詳 督憲呈送農務分會章程文

通州巡警第三局局董五品頂戴馬遇葵等稟通州運

河鮎魚溝原為消洩連水宜通不宜塞懇恩詳查核

辦文

十五日

督憲楊准農工商部咨職商稟辦宛平縣靜樂坡煤礦

事札飭礦政調查局核辦文

又准奉天督撫咨三鎮退伍給假目兵分送原籍事札

飭各該州縣妥為照料文

薊州黃牧行簡稟遵飭查勘境內農田水利暨勸諭開

井情形文

霸州周牧登稟開辦藝徒學堂文

廣昌縣張令傳稟戒煙所辦理成效暨開辦牛痘局日

期文

十六日

督憲楊准稅務大臣咨增源紙廠徵稅辦法札飭關道

查照文

開州朱牧佑保稟整頓巡警遵飭先從開辦傳習所入

手文

河南官報局詳遵飭改良各種公牘程式擬訂章程核

定價值文

十七日

督憲楊准郵傳部咨信陽州至保定綫桿移近鐵路請

飭經過地方官照料保護札飭各屬遵照文

玉田縣李令學富稟戒煙局開辦日期暨呈送試辦簡

章文

懷安縣王令達創設初等小學堂詳請立案文

十八日

督憲楊准陝撫咨陝省擬籌款創設電話委員赴津考

查情形札飭電報局知照文

香河縣高令鉞詳遵飭查勘縣境土性並無宜種稻田

情形文

四川商務局詳商事裁判所著有成效請咨部立案文

十九日

天津議事會移知天津縣清查隱匿廟產請備案文

又移知天津縣清查私售廟產請立案文

上海輪船招商局稟督憲遵議派輪試行安東一埠文

武邑縣石令之璞稟遵飭查攷農田水利情形暨現在

勸辦緣由文

消積去滯

積滯者食難消化之謂也未士西卑路備嘗此苦矣蓋伊賦質素弱自孩提時即染此病食後諸多不安迨至韋廉士大醫生紅色補丸出現之後始得痼疾長除耳西君係西廓人居高浪霧之馬刺打那之卑路庄也其言曰○僕自出就外傳起即染有胃痛頭暈之症起時無時是以屢要告假回家而所學或作或輟時有腹痛其部位則胃腕



尤甚其時候則飯後尤慘遇疾作則頭痛眼花隨之加以氣虛肚閉精神困倦等症家父百計延醫診治連年服藥而不克永遂收功及余年長亦屢次自購各種丸散雖云消積去滯靈驗非常而亦不克見效後閱報字見所載韋廉士大醫生紅色補丸切用圖說余聊為試之乃服了第三瓶之後即覺大有起色迨服了第四瓶之後則各病若失四肢康健矣計自全愈至今屈指已有三載而各種耗病一概幸未沾染也韋廉士大醫生紅色補丸之有功於余者誠非淺鮮矣用誌數言以彰盛德伏望普告同濟俾得共登壽域○有血則生無血則死血和則安不和則病此中出入相去天壤韋廉士大醫生紅色補丸能清血補血故能調榮養衛祛除百病專治男婦老少一切食積中滿肝木不和氣虛血竭先天不足後天失宜風濕骨痛脚氣衝心左癱右瘓瘡疥癩疹山林瘴氣大凡發熱下痢感冒之後須調補者均宜婦女經來各病尤為應驗非常各處藥店均有發售或直向韋廉士大醫生總藥局採買亦可每樽價銀一元五角每六樽價銀八大元不論遠近一律不取郵費上海二馬路B字第八號韋廉士大醫生藥局啓

本號開設(北京前門外鮮魚口)(天津估衣街中間路北)(山東濟南府院西路北)等處自置綢緞洋貨願繡蟒花素貢絨絨緞各色抖蓬哈啞厚呢以及京廣什貨織絨綫貨各色俱全貨高價廉劃一不二中外紳商賜顧移玉是幸 瑞林祥元記具

武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額 磁銅料器瑤藍 奇巧美術玩器 日用雜貨俱全 學界文房用品 旋行攜帶等件 精工裝身物料 定織各色蓆氈 如蒙官商光顧 價值格外從廉 貨多不能備載 本行隨便入覽 電話一千三百七十四號 天津法租界 武齋洋行謹啓

啓新洋灰有限公司廣告



啓者本公司係承受唐山洋灰公司創設新廠歸併舊有之老廠擴充辦理改
 名啓新洋灰有限公司稟奉北洋升督憲袁咨准農工商部註冊立案上
 年購到外洋最新式機器全副去臘業已開機所出之灰足敷主顧購用尙有製
 考驗拉力結力俱高外洋之貨且機器加大出灰足敷主顧購用尙有製
 之缸磚花磚洋灰瓦溝管管子等項無論零交易均可本公司總理處
 設在天津海大道英租界先農公司對面並於北京烟台上海漢口等埠均設
 分處銷藉廣招徠如蒙訂購交貨無不從速至價廉貨高久爲中外紳商
 所信用不待贅述所有本公司各種磚瓦等件尺寸重量式樣及大概用法另
 刊華洋廣告光顧諸君請向本公司索閱價值一切亦可接洽也
 得待風一千三百九號

啓新洋灰有限公司舉行股東會議

敬啟者本公司現屆第二次派利謹擇於二月十六日
 下午二點至六點鐘舉行股東會議座設海大道英租
 界本公司總理處務祈有股諸君於是日未刻惠
 臨集議爲盼
 本公司謹啟

京師自來水公司提前付給官利廣告

查本公司定章二月會議三月付利原爲年終結賬盈餘紅利諸待核算現在創始工程正在開辦股東會尙未成
 立且未開市售水並無紅利可結現蒙直隸督憲按照奏案籌撥官款保息以昭大信業已如數撥到爰將各股
 東自交股之次日截至光緒二十四年底所有應得八釐官利提前付給茲特與天津銀號商定代付官利辦法
 凡各股東有願在京城取息者不論當年初係在本公司交股或在天津掛號聲明以便知會所
 願在外埠原交股處取息者聽惟此埠股東或願改赴彼埠取息者須預先一個月到原埠掛號聲明以便知會所
 指之處屆期照付免致不能接洽現定京城自正月十六日起外埠自二月初一日起請各股東持收條迅速往換附
 各該處支取息銀特此廣告再所有股票業於年前分寄各交股處尙有未經換取者請股東持收條迅速往換附
 以奉聞

付利處天津銀號住址

北京東安門外
 天津北馬路
 張家口下堡大新店內
 上海北市後馬路興盛棧內
 漢口永甯巷上首胡同昇首飾店對過
 唐山大街路南

欲為諮議局議員者鑒

總發行所 上海商務印書館
分設 京師 天津 太原 成都 漢口 廣州 奉天 濟南 開封 重慶 長沙

今年九月各省開辦諮議局 議員責任繁重 非研究有素 臨時必至周章 故凡為議員者 第一須知普通政法之學理 第二須知立憲制度之精神 第三須知地方自治之組織 第四須知會議決議之方法 本館所出政法書百餘種 茲選其尤簡要而又有合於斯四者 分別列目 幸垂鑒焉

◎普通政法書 法學通論一元 法制經濟通論四角 政法理財講義五角 日本法制要旨一元 日本明治法制史九角 政治講義五角 法律經濟辭典布面七角 紙面五角 法規大全解字四角 憲法書 政治學及比較憲法論二元 憲法研究書一元 憲政論四角 日本憲法義解三角 日本預備立憲過去事實五角 立憲國民讀本三角 議會書 日本議會法規四角 議會政黨論五角 十六國議院典例一元 日本議員必攜角八 地方自治書 日本議會法規四角 歐洲大陸市政論四角 地方自治財政論三角 地方自治淺說三角 此外政法書之尤重要者 法律 有則日本法規大全 八十一冊 日本六法全書一元五角 比較國法學七角 國法學一元 行政法論一元二角 行政法各論六元 民法原論二元 政治 有則列國政要三十二冊 政治學一元 那特確政治學四角 政治汎論一元二角 萬國國力比較二元五角 嚴復社會通詮一元 嚴復羣學肆言一元 嚴復羣己權界論角八 財政 有則經濟通論七角 理財新義五角 英國度支考四角 國債論三角 計學教科書一元 理財學講義四角 計學淺訓二角 教育 有則日本明治學制沿革史五元 歐美教育實際二元 德國學校制度四角 警察 有則警察講義錄十四冊 雖卷帙較繁 議員苟有餘力而兼治之 則受益無窮矣 尚祈諮議局章程要義五分 諮議局調查須知五分 諮議局選舉須知一角 諮議局章程表解三分 尤人人所必讀 無待贅言也 (河北大樹同電話五百二十六號)

天津商務印書館廣告

◎普通政法書 法學通論一元 法制經濟通論四角 政法理財講義五角 日本法制要旨一元 日本明治法制史九角 政治講義五角 法律經濟辭典布面七角 紙面五角 法規大全解字四角 憲法書 政治學及比較憲法論二元 憲法研究書一元 憲政論四角 日本憲法義解三角 日本預備立憲過去事實五角 立憲國民讀本三角 議會書 日本議會法規四角 議會政黨論五角 十六國議院典例一元 日本議員必攜角八 地方自治書 日本議會法規四角 歐洲大陸市政論四角 地方自治財政論三角 地方自治淺說三角 此外政法書之尤重要者 法律 有則日本法規大全 八十一冊 日本六法全書一元五角 比較國法學七角 國法學一元 行政法論一元二角 行政法各論六元 民法原論二元 政治 有則列國政要三十二冊 政治學一元 那特確政治學四角 政治汎論一元二角 萬國國力比較二元五角 嚴復社會通詮一元 嚴復羣學肆言一元 嚴復羣己權界論角八 財政 有則經濟通論七角 理財新義五角 英國度支考四角 國債論三角 計學教科書一元 理財學講義四角 計學淺訓二角 教育 有則日本明治學制沿革史五元 歐美教育實際二元 德國學校制度四角 警察 有則警察講義錄十四冊 雖卷帙較繁 議員苟有餘力而兼治之 則受益無窮矣 尚祈諮議局章程要義五分 諮議局調查須知五分 諮議局選舉須知一角 諮議局章程表解三分 尤人人所必讀 無待贅言也 (河北大樹同電話五百二十六號)

京奉鐵路廣告

啓者查直東各處貧民每年春間赴東三省一帶充作小工人數衆多祇以火車票價稍昂多係舍車徒步本局格外體恤減收票價歷經辦理在案茲訂於正月二十五日在天津軍糧城塘沽各車站賣票至營口或新民府瀋陽每人收車脚洋三元另印專票交由該站長公司售賣並飭不准額外需索惟此項買票搭車之人必須實係小工不准夾帶客商希圖取巧該小工等每人祇許隨帶小包行李一件本局屆時派員在各該站並沿途隨時訪查如查有冒混或半路輾轉售票情事輕則照章究罰重則送由地方官懲治其各凜遵特此廣告

本局售報價目

本埠售價官報按日一册每月三十册收價銀六角零購者每册洋銀二分

法政學報十日一册每月三册收價洋六角零購者每册二角

兩種合購每月收洋一圓二角

各州縣報價交銀者除額定銷數照舊收銀九錢外額外分購者統照本埠售價

本局告白刊例

登一日者每字取洋五釐 三日四釐 七日三釐五 十五日三釐

一月二釐五 半年二釐 長年一釐五

以上均按四號字起碼加寬行數照所佔面積計算

登錄商標刻工另議

三號字加半倍 二號字加一倍

急 開市到七年紀念少算八扣

竹材傢俱屏風
花叢東洋花

天津日本租界旭街

澤洋行

告

自正月十九日至二月十八日間

電話三百五十號